



Violéncia Kontra Labarik iha **Timor-Leste**
no Vulnerabilidade ba Konsekuénsia Negativu
Bainhira Adultu Iga ho Saúde no Violéncia

Rezumu Evidénsia 2: Prevene violéncia seksuál kontra labarik
sira

Kontestu

Violénsia Seksuál Kontra Labarik sira (VSKL) mak endémiku iha nasaun hotu-hotu no afeta labarik sira iha idade hotu-hotu. Tuir estimativa, abuzu seksuál ba labarik mak entre 14-29% iha rejiaun Ázia Leste no Pasífiku, ho prevalénsia aas liu ba labarik-feto kompara ho labarik-mane.¹ Estudu ida foin daudaun, *Violénsia Kontra Labarik iha Timor-Leste no Vulnerabilidade ba Konsekuénsia Negativu Bainhira Adultu liga ho Saúde no Violénsia* deskobre katak 25% husi feto sira ne'ebé inklui iha amostra relata katak sira hetan abuzu seksuál iha infánsia, no 43% husi mane sira ne'ebé inklui iha amostra relata katak sira hetan pelumenus forma abuzu seksuál ida durante infánsia.²


To'o agora, iha informasaun limitada tebes kona-ba prevalénsia no konsekuénsia sira husi VSKL. Maibé, iha tinan foin lalais, peskiza divulga ninia impaktu boot sira no mós solusaun sira hodi prevene violénsia ne'e.

Violénsia seksuál kompostu husi aktu seksuál oioin kontra labarik, inklui maibé la limita ba, abuzu seksuál ba labarik, incestu, violasaun seksuál, violénsia seksuál iha kontestu sai hamutuk ho namoradu/relasaun íntima sira, esplorasau seksuál, abuzu seksuál online, no abuzu seksuál sein kontaktu.³

Prevene violénsia seksuál kontra labarik sira – asaun prioridade iha Timor-Leste

“Hamenus maus-tratus ba labarik no promove infánsia ne’ebé saudavel, estavel no seguru hodi hamenus violénsia bainhira sai adultu Importante tebes iha Timor-Leste.”⁴

Estudu iha Timor-Leste identifika área prioridade ne’ebé presiza asaun, partikularmente foka ba intervensaun sira ne’ebé fó atensaun ba VSKL ba labarik mane no labarik feto sira. Rezumu badak ne’e utiliza revizaun evidénsia globál husi *Together for Girls* no *The Equality Institute* (haree iha okos), ne’ebé sujere area foku tolu hodi guia dezvoltamentu estratéjia prevensaun VSKL iha kontestu Timor-



Revizaun ba evidénsia: Saida mak hetan susesu hodi prevene violénsia seksuál kontra labarik

Together for Girls, liuhosi parseria ho The Equality Institute no The Oak Foundation, hala’o ona revizaun sistemátika ba solusaun sira bazeia ba evidénsia hodi prevene no responde ba VSKL. Revizaun ne’e desenvolve tán enkuadramentu INSPIRE, ne’ebé oferese estratéjia rigoroza hitu hodi prevene forma hotu husi Violénsia Kontra Labarik, no revizaun ne’e identifika ona estratéjia sira husi mundu tomak hanesan estratéjia ne’ebé efetivu, pozitivu, prudente, kontrariu, laiha risku, ka danu.

Haree: togetherforgirls.org/svsolutions ba relatóriu kompletu inklui estudu kazu sira no akonsellamentu espesializadu.

1. Importánsia atu uza abordajen interseksionál

Evidénsia ne'ebé aumenta daudaun kona-ba VSKL subliña importánsia atu uza abordajen interseksionál, liuliu hodi komprende no fó atensaun ba fatór risku sira ba vitimizasaun ne'ebé interligadu. Abordajen ne'e tenke konsidera:

- 1 Interseksaun entre jéneru no idade:** Intervensaun sira ne'ebé foka ba pontu espesífiku iha siklu moris mak importante tebes hodi fó atensaun ba vulnerabilidade sira no tipu violénsia seksuál ne'ebé labarik-feto no labarik-mane hetan iha faze diferente iha sira-nia dezvoltamentu. Porezemplu, *Global Early Adolescent Study 2017* subliña importánsia atu serbisu ho adolexente sira hodi prevene violénsia seksuál.⁵
- 2 Identidade interseksionál:** Evidénsia foun komesa hatudu katak aspetu interseksaun oioin husi labarik nia identidade, hanesan defisiénsia, orientasaun seksuál no jéneru identidade mós hasa'e labarik nia risku ba vitimizasaun.⁶
- 3 Oinsá VSKL iha interseksaun ho violénsia kontra labarik (VKL) sira seluk:** Violénsia kontra labarik ho forma oioin bele inklui fatór risku no fatór determinante komún sira. Ida-ne'e hatudu importánsia atu uza abordajen kumprensivu hodi prevene VSKL (hamutuk ho abordajen sira ne'ebé adapta ona) ne'ebé konsidera interseksaun sira ne'e no hasa'e rekursu limitadu no kolaborasaun potenciál sira.
- 4 Interkoneksaun sira entre VSKL no violénsia kontra feto (VKF):** Estudu Timor-Leste hatudu katak VKL no VKF nu'udar problema sosiál ne'ebé interligadu iha Timor-Leste. Tanba ne'e tenke uza abordajen kumprensivu ba prevensaun, hodi serbisu hamutuk ho família sira hodi promove kuida labarik ho maneira pozitivu enkuantu fó atensaun ba kultura sira ne'ebé apoia violénsia no dezigualdade jéneru iha uma laran no comunidade jerál.



Abordajen sira
ne'ebé konsidera
fatór risku sira
seluk inklui
defisiénsia,
orientasaun
seksuál no
identidade jéneru

Programa sira
ne'ebe adaptadu
hodi responde ba
labarik-mane no
labarik-feto sira-
nia nesesidade iha
faze oioin iha sira-
nia siklu moris

Abordajen interseksaun
ba prevensaun violénsia
seksuál kontra labarik

Abordajen sira
ne'ebé rekoñese
interseksaun sira
entre violénsia
kontra feto no
violénsia kontra
labarik

Abordajen
kumprensivu sira
ne'ebe fó atensaun
ba violénsia kontra
labarik ho forma
hotu-hotu

2. Fatór xave sira ne'ebé tenke inklui iha intervensaun hotu-hotu

Revizaun ba evidénsia *Together for Girls* nian identifika fatór lubuk ida ne'ebé sempre importante hodi prevene VSKL sein haree ba intervensaun. Hirak-ne'e tenke informa abordajen ne'ebé uza iha Timor-Leste:


- 1 Resposta nasonál integradu iha sistema protesaun luan ba labarik no adolexente sira.
- 2 Programa sira ne'ebé abranjente no fó atensaun ba fatór múltiplu ne'ebé kontribui ba norma no hahalok sira ne'ebé apoia violénsia.
- 3 Programa sira ne'ebé apropriadu husi perspetiva dezvoltamentu ka idade no espesífiku ba jéneru.
- 4 Programa sira ne'ebé foka ba labarik sira ne'ebé implementadatu durante sesaun balu, ho interasaun fízika, no partisipativu

3. Intervensaun prevensaun ne'ebé espesífiku

Revizaun ba evidénsia *Together for Girls* nian ezamina estratéjia 35 resin ba prevensaun VSKL.

Tabela iha okos deskreve selesaun ba estratéjia sira ne'e, ho klasifikasaun nu'udar efetivu ka pozitivu, no bele konsidera ba adaptasaun iha kontestu Timor-Leste.

Intervensaun	Ezemplu (sira)	Konsiderasaun sira ba adaptasaun
Programa Kuida Labarik sira hodi hadi'ak komunikaun entre inan-aman ho labarik.	Families Matter! Program	- Hasa'e konxiénsia ho subliña inan-aman nia papél hodi ajuda sira-nia oan prevene violénsia seksuál ba labarik no violénsia bazeia ba jéneru. - Presiza peskiza adisionál kona-ba redusaun loloos ba VSKL.
Serbisu ho mane no labarik-mane hodi dezafia estereótipu, maskulinidade tóksika, no norma sira ne'ebé justifika violénsia.	Coaching Boys into Men Men can stop rape Mentors in violence prevention	- Evidénsia Pozitivu husi programa espesífiku sira ne'ebé fó ezemplu di'ak kona-ba relasaun sira ne'ebé respeita malu no sein violénsia. - Presiza peskiza adisionál iha fatin diferente, ho grupu idade diferente no hodi determina karik programa sira tenke foka ba labarik-mane no mós labarik-feto.
Programa kumpresivu sira ne'ebé inklui akompañamentu no treinamentu mikrofinansas.	Empowerment and Livelihood for Adolescents Program	- Bazeia ba modelu akompañamentu grupu tuir otas, fó informasaun kona-ba direitu sira, rezolusaun konfliktu, saúde, kestaun jéneru no treinamentu kona-ba koñesimentu finanseiru. - Fó treinamentu liuhosi klube adolexente, ho nune'e joven sira ne'ebé la eskola bele envolve iha programa. - Avaliasaun hatudu redusaun ba kaben sedu, isin-rua sedu, no relasaun seksuál ho obrigatóriu/koersaun.
Programa eskola kona-ba namora seguru	Safe Dates	- Evidénsia apoia efetividade hodi hamenus vitimizasaun husi grupu tuir otas, violénsia seksuál, no impede norma sira ne'ebé apoia violénsia. - Intervensaun tenke espesífiku ba idade no jéneru, no mós apropriadu ho kultura no sociedade. - Programa sira tenke fó atensaun ba labarik-feto no labarik-mane sira-nia hahalok iha momentu hanesan.



Referéncia

¹ Fry, D. (2012). Child maltreatment, prevalence, incidence and consequences in the East Asia and Pacific region. New York: UNICEF.

² The Equality Institute. (2021). Violence Against children in Timor-Leste and consequences on adult health and exposure to adversity, report prepared by The Equality Institute on behalf of the Australian Government's Nabilan (Ending Violence Against Women and Children) Program.

³ Ligiero, D., Hart, C., Fulu, E., Thomas, A., & Radford, L. (2019). What works to prevent sexual violence against children: Executive Summary. Together for Girls. www.togetherforgirls.org/svsolutions

⁴ The Equality Institute. (2021). Violence Against children in Timor-Leste and consequences on adult health and exposure to adversity, report prepared by The Equality Institute on behalf of the Australian Government's Nabilan (Ending Violence Against Women and Children) Program.

⁵ Implications of the Global Early Adolescent Study's Formative Research Findings for Action and for Research, Journal of Adolescent Health, (2017). Volume 61, Issue 4, S5-S9, October 01, 2017, <https://www.geastudy.org/publications>

⁶ Ligiero, D., Hart, C., Fulu, E., Thomas, A., & Radford, L. (2019). What works to prevent sexual violence against children: Executive Summary. Together for Girls. www.togetherforgirls.org/svsolutions, p.8.

⁷ Ibid. p.47.

⁸ See also Ricardo, C., Eads, M. & Barker, G. (2011). 'Engaging Boys and Young Men in the Prevention of Sexual Violence: A systematic and global review of evaluated interventions,' Sexual Violence Research Initiative, Cape Town.

⁹ For information on adaptations in LMICs see Fellmeth G. L. T., Heffernan, C., Nurse, J., Habibula, S. & Sethi, D. (2013). 'Educational and Skills-based Interventions for Preventing Relationship and Dating Violence in Adolescents and Young Adults (Review),' The Cochrane Library, no. 6.